

稀見中國地方志彙刊

二八

中國書局

中國科學院圖書館選編

稀見中國地方志彙刊

中國科學院圖書館選編

（微）

第二八冊

中國書局

中國科學院圖書館藏

稀見中國地方志匯刊

稀見中國地方志匯刊

(第二十八冊)

中國科學院圖書館選編

*

中國書店 出版

新华书店首都发行所发行 江苏金坛县第二印刷厂印刷

*

787×1092 1/16 印张:78.5

1992年12月第1版 1992年12月第1次印刷

ISBN 7-80568-223-2/K·57

定价:185元

目
録

新喻縣志	一
豐城縣志	三四三
廣信郡志	七二一

目
録

新喻縣志序

史以徵信也。羣邑諸志，史類也。然紀載嚴覈，志雖與史同，而志則尤爲稽憲。定治，披圖攷勝，損益裁成之所本。故圖籍藏諸政府，不僅等于關石和鈞之重也。乃古今時積而事多事積

新喻縣志

序

而數多。旣若禹貢所記土田賦錯而多其法制，沿革人才盛衰，若周官采風之志，貞志儉而多其官師，職守川原形勢，固經政之日曆，而史家之藁本哉。

聖主肇興，更定禮文制度，百務維新，而

志書宜爲首重，因仍舊本，非

昭代制也。予初筮仕新喻，按圖經，喻爲江右劇縣，地多名山秀水，且糧額亦浮于首邑。以予所聞其前賢偉蹟，雜見于他書者，又不勝指下車卽進，諸逢掖而問邑志，皆對曰：無有。卽舊

新喻縣志

符序

二

志亦無復有存者矣。予憮然久之，會守憲施檄修羣邑志，乃延諸文學掌故，屬定艸數冊，然亦因仍隆慶六年所修羣志，稍益篇簡而已。隨刊檄遍徵諸高行遺文及明季軼事而應者，亦鮮。夫隆慶至今，遠者不過百餘

季近者不下數十季季曾幾何時而
所爲章程事蹟書疏典籍夙昔流布
人間者已茫無可攷問諸後裔訪諸
故老咸不知所對而况隱德幽貞其
名湮沒而不傳者可勝道哉茲恭遇
我

皇上光昭

世祖章皇帝文治之隆日勤典學史局屢
開

聖神相傳字內太平垂三十載而下邑
新志未定亦何以表

昭代之典章而備一方之文獻也復

奉 憲行繕志藁呈爰以所採輯
者詳加較閱興釐必考其原經制必
詳其數人物必核其真詩文必存其
足備觀感激者雖執愧于扶
而按藻遜夫蜀志要以備圖籍之考
信史之徵云爾計十有四卷爲喻縣
新誌焉刻成執桓伏讀而歎曰民生
之休戚風俗之淳薄城垣學治之處
立戶口地產之虧盈與兩稅之或
或急裁扣之或詳或略食兵養民之
或輕或重官師俸薪之或簡或優其
故可得而知矣至毓元陳星變上四

事而指斥近倖仲美諫南巡爭大禮而萬死批鱗如斯類者可以教忠丁傳歐陽環梁光祖傳玉聲施政等之至行格天或門旌帝語瑞應紫芝如斯類者可以教孝可以教弟若子澄弘墨莊之緒石門擅理學之宗與彌留詩于異國西齋標韻于滇雲與乎袖書玉殿建節屏藩者猶多其選後來之彥聞其風者可以興矣至山川蟠正氣靡所不鍾節烈屢屢而見也又令人憑弔而悽愴雖然尤有說焉今天下固以塞垣諸海西南關嶺

爲邊矣此自天下太勢也切以爲腹中亦有邊焉則地之襟帶險阨連亘劇界者是故天下有天下之邊腹直省有直省之邊腹各罷邑亦有各罷邑之邊腹自江右言之控湖西之上游而鎖鑰長衡者則宜春也記云宜春有逃民客戶之憂焉誠憂之也自臨江言之趾接宜春而襟承插嶺者則喻是也今之喻卽古宜春地而近且逃民客戶愈多焉聞明季獻賊踰插嶺自袁入喻立其僞官而去往返止數日耳蓋飛鏃不及瞬也又蓬戶

常聚至數千順則爲民忤則寇當時
官兵每不能禦益蔓延喻矣則喻之
爲喻實豫楚之交關而臨颍之邊隅
也後之官此者披輿圖而懷風雨所
爲撫綏制禦之方可一日而不盡心
哉

康熙癸丑仲夏穀旦

新喻令翼城符執桓撰

跋

颍邑之志卽颍邑之史也史善惡並載以
示勸懲志則專於紀善其義似乎一於勸
而懲之意不存焉然善則書之固以昭勸
而其所不書者後之有識必曰夫夫也不
足以傳於志內省之念惕焉而生又安在
志之有勸而無懲耶故以爲志主於勸則
寬以收之可也以爲志主於勸而懲卽寓
焉則又不可以不嚴嚴則協乎輿情而志
遂爲千秋之信史非然者雜一不善於衆
善之中將書者不足以爲勸而未書者亦
不足以爲懲信史之謂何何猥濫之爲也
新喻舊爲臨颍輿區其志書在宋元者固
荒遠無論已卽先朝石門梁先生嘗有纂

輯亦已散佚弗存

邑宰符侯蒞任之初卽集紳衿輩議纂縣志已繕成書尙未剞劂及奉

命修志政治之餘退食不遑焚膏繼晷惟求當於勸懲之義復集孝廉明經輩暨諸縉掖之士訪求舊志僅得弘治時彭治所修刻本及諸鈔本而弘治以後無考焉幸邑

新喻縣志

卷六

二

中猶有留心文獻者除分野疆域沿革建置城隍農田水利戶口賦役物產寺觀不復贅而於山川秩祀官師選舉名宦鄉賢奇聞軼事咸有補錄求而得之亦足備弘治志之所未備若乃明季啓禎之際與夫昭代定鼎以來賢有司之棠愛鄉大夫之懿行忠孝節烈之芳踪詩歌文辭之遺墨撰

啓徵求葺爲副本上之邑侯侯復刊布

檄文廣蒐博采詳加芟潤喬喬皇皇用成全書刻既竣讀之源委則井井爾條畫則藹藹爾折衷則嶷嶷爾列傳補則火之繪風之繪烈烈而發發爾藝文選則重者登大者登炎炎而蠹蠹爾發潛德之幽光羅名章於敗簏披文相質考義就班史推龍

新喻縣志

卷六

三

門廬陵而罷邑之書則汝南先賢襄陽耆舊最著今之喻志視此爲何如耶由是縣而上之於府府而上之於省省而上之於朝勸善之中懲惡寓焉定於一日信於千秋志也而史存其中矣雖烽燹之後詩書墻壁耆舊家殘遺事罔所傳聞掌故尙難覩記此蓋時會使然爾而當事善善之心

則固炳諸星日而無惑云

新喻縣學訓導陽蔡紉謹跋

志之祀未謝者。因李魯斯之氣與夫
香閣轉車。起有蘇難求而得之衣。且謝於
費贊而飲山。以并派官。相毀舉。各宜微賈
置。然則農田。木匠。可以。想費。將。重。幸。贈。不
中。離。亦。而。公。文。鳩。香。烈。公。理。顯。越。部。章。裏

新刊

喜慶

11

縣志十四則例

喻之山川土田疆域沿革戶口丁糧賦役防閑以及
官師名宦人物選舉農政秩祀建置風俗藝文之見
于郡志者斷自前隆慶六年而止詢之此外無志焉
相傳邑有舊志若干卷詢之亦有不可得而見者矣
夫列在典乘諸書可以垂之永永矣閱詩未幾今已
杳然而無存者又或略而不詳况乎自隆慶迄今
百有餘年又迭遭兵燹鼎革之際事係兩朝而其間
之盛衰移易釐詩升舉人文典制之所係而掌故淪
詩漸晦

二、刊例

—

謝綱鑑載逸苑而徵而考定之其爲渾矣然前此在漢則屬宜春在三國則自吳寶鼎始成邑而屬安成宋淳化始立臨江軍而屬于臨則淳化三年以前宜春安成之故蹟傳疑者闕之可也疆域無移易而市鎮鄉都橋梁津渡風俗則有移易者也其增修創立者亦見之志內也近以均圖大政既舉更定十區之名仍取義于各鄉舊稱云曰之末

鼎定之初喻之被兵獨櫛于他邑蓋始則獻賊決宜陽之藩入喻立其令丞尉諸僞職焉撫軍檄皖兵守臨郡而左將軍良玉以副將吳學禮提偏師來援左兵橫肆掠養寇喻之都鄙及近喻旁縣之地盡殘焉已而獻賊退順治丙戌丁亥間湖南未入版圖有以重兵壓袁圍城三匝而不解者郭帥何帥蓋帥三軍宿喻而進討焉連年充斥絡繹爲兵路矣于是聖人之宮有司之治倉儲庫獄駟遞無不毀折及礫盈眸荆蕪被路于歷年來捐薪俸而拮据心勞縣治學宮新喻縣志

卷之一則例

聖祠以漸鼎新而倉儲養濟亦更立矣至逃公荒蕪已瀝懇代 題欽蒙

聖俞兼極力招徠歸鴻雲集復從民便均圖圖均而役亦均矣此建置農政賦役三志內稍異舊觀者也而屯田附焉至人物列傳史例也又不可不慎也其前所稱爲奉使外藩櫻鑾殿上授簡青宮摘詞翰苑以及孝友可風處士可式者掩映史冊無容議而潛德幽光又有不可不急爲覈實表揚以示勸懲者然亦必有可據如理學經濟忠貞孝友之倫雖聲譽奕奕

而弗布確然可據事久論定不得入也若去世未久與夫大節不足稱徒舉其一端以入傳則是名實混淆成穢史矣一傳混淆前諸傳亦隨類而談不足貴焉志之第一嚴者在此此固不與秩祀選舉官師雜誌從同者也至藝文一志非徒以記其興建詠其山川而已夫讀人之書而卽思其人思其人而卽若遇其人者此蓋有不可解之故在性情間也使徒云文藝文藝亦安能攝人之神魄動人之歌咏衷思而不能已已哉昔宜省郡邑志不下數百部而歸志稱最以撫軍辟西川之彥求遺逸之書而一裁定于新都之手故考據最詳而文采陸離足以映帶百家也予以喻志崇懷者數年復刊檄徵文而博求焉乃至者絕少何從藉手以光琬琰哉然誠玉也雖寸殘小璧有令人珍惜者矣

新喻縣志

卷之二則例

三

新喻縣志總目

卷之一

輿圖志

卷之二

沿革志

卷之三

疆域志

卷之四

建置志

新喻縣志

卷之五

官師志

卷之六

農政志

卷之七

賦役志

卷之八

秩祀志

卷之九

防圍志

卷之十

選舉志

卷之十一

名宦列傳志

卷之十二

人物列傳志

卷之十三

雜志

卷之十四

藝文志中

藝文志上

藝文志下

藝文志歌

藝文志詩

藝文志賦

藝文志詞

藝文志曲

藝文志書



新喻縣志卷之一

江西臨江府新喻縣知縣符執桓編撰


圖輿

地官所書誌寰中之疆土職方所載詳境內之山川故聚米不必成形而按圖于焉得勢惟茲鐘蒙之下絕巘崇隆秀江之濱江非條分縷析採輶軒者曷由而考也必先定其規模而後從事焉則道里可以維均而險塞可以設防皆燎然于指顧間矣爰誌輿圖

卷之一



新喻縣志卷之二



新喻縣志卷之二

江西臨江府新喻縣知縣符執桓編撰

沿革

因時善俗前後不同揆畫野分疆古今不相襲然
 法無常變貴合乎宜勢有遞更求當其可故百王
 之營建異制而千載之興廢殊途苟不遵厥由來
 曷以考風土而備紀載乎爰志沿革

禹貢 屬揚州之域

周職方 仍屬揚州之域

春秋 屬吳魯哀公二十二年越滅吳則屬越

戰國 屬楚

秦 屬九江龍

漢 初析九江為淮南魏後析淮南為琅瑯郡屬

三國 屬吳寶鼎三年始置新喻縣為安成屬邑縣治

晉 仍屬安成

南朝 宋齊梁陳並屬安成

隋 開皇十八年始置袁州平陳後置吳平縣隨廢縣

唐 治在龍池聖武德七年遷治距村

唐 仍屬袁州武德七年置吳州尋廢為縣因距村舊

唐 城為治麟德元年復遷龍池聖大曆八年以過水

令杜臻得虎瞰山爲治

吳爲南唐改元昇元明年以旌旗爲清

制新喻建安鄉

入渠江

淳化三年遣使張鑒用巡撫使吳玠言奏請以筠之清江縣爲歸江軍淳化二年割吉之新金袁之

新喻屬
江寧

江軍至元十三年丙子內附改臨江軍爲臨

洪武二年州復爲縣併鳳巢
昇平象山爲昇平縣真九郎

十區五十二都
二百七十圖

初仍明制近奉俞旨蠲荒士民公請均畝定爲土

新喻縣志

卷之二

新喻望縣也在醴治西一百二十里其地在禹貢

周職方氏皆爲楊州域春秋時屬吳越滅吳屬越

戰國屬楚秦分天下爲三十六郡則隸九江漢初

改九江爲淮南又析淮南爲豫章耑屬縣十八已

有宜春矣雖新喻未之見而其地實附于宜春漢

時屬宜春是也三國時吳主孫皓始置新喻縣而

縣未詳何地寶鼎一年分豫章廬陵長沙宜春置

安成郡而新喻縣屬焉晉大康元年平吳割安成

魏赫荆州東晉而下因之宋志又有吳平縣屬豫

章齊梁陳因之隋開皇九年平陳廢安成郡

新喻入吳平仍隸豫章十一年廢吳平入宜縣十

八年置袁州再立新喻爲屬縣時縣治在龍池壑

大業八年得旨自龍池墅遷邑西北三十里之樂

村十一年鄱陽賊操師乞攻豫章十一年詔治書

侍御史趙子蛇將兵討之師乞中流矢斃其將林

仕弘領其衆與子翊戰于彭蠡子翊死之仕弘兵

張甚遂據豫章僞號楚取九江南康宜春等郡

武德四年張安善平江南襲取番禺仕弘農

干瀉先乘間攻之以其也并復立亭立時

武德七年安撫使李大亮所俞西南也置吳州

以舊城距村爲州治尋復廢爲縣隣惡元平復支

使王元壽復遷縣于龍地暨乾封二年始爲成太

曆八年大水乏成郭縣人訴于郡郡守李嘉祐奏

遷縣治俾歸令杜臻擇形勝之地得縣西北三里

許虎瞰山而邑焉五代因之爲袁屬邑宋淳化三

年因漕使張鑑奏請以筠之清江縣爲臨江軍創

新喻隸焉元平宋臨江陞爲路置總管府元貞一

年新喻計戶五萬餘遂陞爲州元末壬辰紅巾起僞將歐祥據袁州遣其子文廣守新喻復舊城壘邑人黃士能率眾奪而守之明太祖至金陵舉土歸附洪武二年州復爲縣仍隸臨江府按晉志喻字從言南史從水隋史從口而寰宇志則有瀘溪渝水唐舊志本作渝天寶以後相承爲喻至今因之蓋自三國時始制爲縣至唐大厯而邑之始定宋淳化割屬臨江已千四百餘年于茲矣井邑之興華城池之廢置戶口生齒之繁衰冠物之盛興大惟正之物之殊其略見于舊書互有魚魯之訛博採細校詳閱悉者于篇使觀者有取焉

新喻縣志卷之三

江西臨江府新喻縣知縣符執桓編以

疆域

九野分經定輿圖于寰宇百州異法錯繡壤于中邦苟封畛之不明易版籍之可按惟方隅既正而食土之民有歸乃疆索無二而之

分野

吳地星紀之次市斗之茂爾雅斗牽牛吳分野蓋斗者日月五星之經始故謂之星紀前漢志志斗江湖牽牛娑女楊州後漢志註云黃星斗星次斗十一度至娑女七度日星紀于辰謂之赤奮若于律爲黃鍾費直云斗十度至五度爲星紀蔡邕云斗六度至女二度地理志云今之會稽九江豫章廬陵臨分野晉志云豫章入斗六度是也五星候焚惑占烏衡史記天官書二十八舍十二州吳楚之疆候在焚惑占于烏衡正

樊惑嶺衡皆南方之星鳥猶標坐也或曰張
也唐天文志星紀鶉尾以負南海負者以其在
雲漢之陰其神主于衡山樊惑位焉縣領九鄉
東接江縣界百丈峯西距分宜縣界鍾山南
至新淦縣界剪刀山北接上高縣界橫坑嶺地
勢巖東西相距一百四十里南北相距一百
五十里方四百餘里東至新淦縣界豫章
十里自界至新淦縣二十里共一百一十里西
至袁州府分宜縣界聖陂廟五十里自界
分宜縣二十里共七十里南至吉安府
河源嶺七十里自界至廬陵縣一百一十里
一百八十里北至瑞州府上高縣界橫坑嶺八
十里自界至上高縣三十里共一百一十里

形勝

前臨秀水後負雲岑巖巖八池映帶乎左右而
其東蒙山莫其北二山各當西南一面之
縣治在四大山中奇環秀抱故理學文章
公傳人昔永文公是登眺稱為五星

位後必有賢者出云

五星

東百丈峯為木星

西鍾山為金星

南鼎山為火星

北蒙山為水星

中玉几山為土星

內五星

北以雲岑為水星

西以金鐘山為金星

東以玉几山為木星

南以鼎山為火星

中以蒙山為土星

山川

雲岑在縣治後即來山也層巒疊嶂迴其勢如雲故

名

玉几山即登高嶺在縣治後上有山如几故名山

之巔張憲副茂順建亭其上顏曰五雲深處又

臨江府新志載山傍有小阜方正砥平呼為印

臺地甚高登臨四顧長江如練山雲竹樹綺麗

迎人

虎歇山縣治之南勢如虎踞俯瞰渝水巔有臨梁